

晚晴籀詩匯

第三一册

晚晴彩笺

卷之三

晚晴移詩匯卷七十八目錄

王心敬 三首

曹庭棟 九首

馬翮飛 四首

陳景元 九首

嵩山 二首

峒山 一首

甘運源 十五首

甘運瀚 三首

吳穎芳 二十七首

陶元藻 十一首

趙一清 一首

沈大成 八首

舒夢蘭 九首

周準 四首

盛錦 五首

高鳳翰 七首

上官周 一首

方士庶 二首

汪士慎 一首

閔華 四首

錢夢鈴 八首

張錫爵 三首

張四科 十首

上言四首

次言四首

題畫一首

高麗歸十首

詩選四首

國事四首

賦一詩一首

詩大雅八首

吳越歌二十首

詞天樂十一首

甘歌四十五首

甘歌三首

嵩山二首

嵩山一首

東朝集四首

刺景示八首

王心集二首

曹興財八首

明倫彙編 家範典 卷一百一十五 金

晚晴籀詩匯卷七十八

徐世昌

王心敬字爾緝號豐川鄆縣人諸生乾隆初舉孝廉方正有豐川集

感興

坐久林風發翩翩吹予袂悠然有會心乃在山東際陟岫
望鄒魯渺渺目難繼豈必道遠長哲人早已憩徘徊歧路
側日午陰未霽浩歌淚盈把寸心將何寄歸來濯玉女天
空白日麗

秋夜

一心甘畎畝念載卧茅廬不計勳名晚何知歲月除更深
滋露冷月朗逼星疎頭白明鐙裏優游尙著書

感秋

何事浮游似夢游
西風吹鴈又林邱
半生空負千秋志
一夜常懷萬古憂
芳樹望中驚落葉
碧溪眼底瀉寒流
白頭看破歷來妄
且摘黃花當酒籌

曹庭棟字楷人號六圃嘉善人貢生乾隆初舉孝廉方正有產鶴亭詩橐

法梧門曰吳孟舉刻宋詩鈔近日嘉善曹六圃復有
百家詩存之刻余亦從四庫全書中鈔宋人詩百餘
家皆孟舉六圃所未見者六圃詩大似北宋人居東
園有佛阜鍵戶著書三十年所坐木榻穿而復補於
城北門外里許築生壙旁架屋顏曰永宇溪莊繞壙
種梅花成林袁子才曰六圃蓼懷少宰之孫隱居
不仕自號慈山居士著作甚富余愛其晚年佳句如
廢書祇覺婆娑古無著少飲從教睡亦清病教揖讓虛文
減老覺婆娑古無著少飲從教睡亦清病教揖讓虛文
圃寄札謝招余往竟不遂卒已八十五矣
詩話六圃中年後絕意進取嘗於所居累土高數丈
環植花木奉母命曰慈山因自爲號著有易準孝經

通釋逸語昏禮通考琴學內外篇詩有魏塘紀勝續
紀勝絕句百六十餘篇標舉鄉里名勝以風雅存文
獻用小長蘆釣師
鴛鴦湖權歌例也

秋燕

如客漂搖不自禁落花故巷尙追尋疎簾清曉差池影細
雨黃昏去住心舞徧空庭人寂寂語殘涼夢月沈沈鬱金
堂上驚秋蚤愁絕雙棲伴獨吟

外弟郭和叔自涿州來話舊爲賦短歌遙呈外舅竹

溪先生

聞君千里至驚喜屣爲倒接面未一揖先問阿翁好阿翁
別我五載強拂衣卜築西山旁滾滾歲月蛇赴壑應知添
得鬚眉蒼閉門人事了不擾臨池卻費閒中忙日日擘窠
寫大字臂挽弩弓雙瞳張雄心豪氣逼年少咄咄自歎餘

熱腸幽棲未斷終老計白雲紅樹增蒼涼噫吁嚱人生得
一閒萬事莫與敵富貴祇從想像佳況翁一一都身歷歸
休乎勿復疑朝衫改製田夫衣春泥滑滑躬鉏犁青蔥滿
畦菜甲肥呼酒一醉情熙熙祝翁樂此終不移太平亦有
賢之遺狂言莫訝多橫溢此意纏綿藉君述有人問訊阿
翁家指點西山山桃花

陳賢良隱居

清風涇舊名白牛村市元易爲鎮曰風涇鎮因宋陳舜俞罷官後隱居於此故名舜俞自號白牛居士因村而名

溯洞渺渺挹清風遙在篁墩東更東篁墩庵俗稱荒墩庵在九南區中爲表賢祠以祀賢良想得柴門煙靄裏白牛閒卧綠楊叢

遜溪

前明錢相國塞庵築別業於北郊之北暑圩曰遜溪中有鱗月堂取李文山玉鱗斜月之句

勝國風流宛在茲殘山賸水憶棲遲劇憐促膝鬚眉古鱗

月堂前話舊時

梅花渡

西郊寒字圩明支甯暇別墅名梅花渡地廣五十畝種梅千樹流水繞之其渡處日鷺行橋有春雨軒軒廢其會孫期移舊額榜於書室

香雪消殘煙草平鷺行橋畔鶉鳴鳴小軒易地聽春雨寒

瘦一枝牆角橫

西村

西塘鎮之北二里許舊名鄢家村者先大父少宰公賜塋在焉大父幼孤遺命與先曾大父母合葬廬墓數椽題曰西村因御賜詩中有西村有叟入城去之句適在西塘鎮敬摘西村二字以名其地

錫類恩霑殤後身

錫類堂御題書賜先少宰者

松楸交映石麒麟未知

繩武今何似慚愧青衫拜墓人

查家蕩

築城涇諸水北流入蕩蕩水清淺土人栽藕為業花開時紅白交映如錦畫舫笙歌遊賞

絕不

明倫彙編 家範典 卷一百一十五
三
灘頭卜築誰家屋渺沔澄波以姓傳蓮葉盡消蘆葉長數
聲漁笛咽秋煙

瑞竹居

毛仲和居邑之容川隱居奉母庭中栽木香
花一本斷竹爲架至春枯竹忽生枝葉更抽
新筍時稱爲孝感構

屋三楹顏曰瑞竹居

壓架香添滴翠新背時殘朽咤回春煙枝風葉無多景珍
重栽培待後人

邊月

營門獵火夜深稀一鏡初懸霜亂飛荒磧到天人影小翔
雲連海雁痕微牙旗暗閃嚴金鑰毳帳孤開冷鐵衣無相
封侯空憶得龍沙萬里奉清輝

馬翮飛字震卿號一齋桐城人乾隆初舉孝廉方正有
翮翮齋詩文鈔

山園卽事

曲徑穿林口層巖接石梯到門青嶂合坐客白雲齊雨歇
泉初響花飛鳥自嘯向來耽野趣何日遂深棲

月夜至玉屏庵

古寺翠微間溪山契悠想明月下庭除忻然遂獨往春谿
漾素輝寒松落幽響繁陰漸迷離疎影散林莽一徑薜蘿
深拄杖緣蘿上高僧夜未暝開軒共澄朗坐久若有得無
言倚虛幌

太白樓

黃葉一天秋青山百尺樓樓頭舊時月夜夜照江流

晚泊

寒潮秋淦淦落葉晚瀟瀟借問停橈處吳楓第幾橋

陳景元字石閭漢軍旗人有石閭詩集

詩話石閭貞抱淵懷不求聞達遂以布衣老與李眉山戴逵堂稱遼東三布衣盧雅雨爲合刻其詩石閭自言詩宗兩漢欲自拔於儕輩之上其所成就乃在郊島間戛磬鳴琴故自不同流俗

雜詩

句漏有丹砂葛洪因得仙及我更經之但見牛羊眠圭江
絕流水鬱林亙青天朝發白沙洞暮宿鬼門關鬼門多異
獸捕獲誇雄蠻猩猩顧我哢猙獰不可干生死在山谷何
必能人言歧路迷所向慘切游子顏人馬俱變色喟然心
脾酸

扁舟發金閭乘流至吳興吳興古都會柔柔環水城四月
育新蠶室家俱不甯弱羽拂蠶子但恐傷其生夜深闕鐙
火時聽食葉聲纈絲貴白素落釜乞餘盈經緯爲誰理絲

絲辛苦成婦子熟籌計可以代春耕束縛未遑售里吏扣柴荆

蒼鷹行

秋風瑟瑟生金聲蒼鷹力勁筋骨輕愁胡怒視氣縱橫草木益深眼愈明銛鋒利劍十二翻走電飛雲八千尺扶搖不讓凡鳥先攫拏豈借他人力存身韝上已三年雄姿磨滅心膽寒庖廚供肉日漸缺條鏃相纏未假寬狐狸登牀狼叫野搏擊誰爲驅役者請君縱逸凌九天萬里長風側身下

蹴毬行

十月嚴霜至月雪長安城河凍如鐵騏驎空餘絕足能鷹鷂遠避陰風烈羽林健兒不騎馬短後衣裳正輕跨毳毛

白黑各分曹蹴踏層冰爭白打來如奔電流光赤去若飄
風走飛石后羿彎弓九日沈宜僚運掌雙丸擲奮袂喧呼
不自知斷筋折骨何能惜本是尋常舊相識一朝攘奪如
讐敵逞雄作氣貴持盈性命此際鴻毛輕倏爾趙軍立漢
幟下風稽首甘輸誠平生未授縛雞力龍淵在匣神光匿
白首下帷誠可憐相對無言三歎息

登樓

思鄉不可得悵望倚高樓一道黃河水羞隨白髮流雲靈
失故渡波惡斷行舟隔岸聞漁唱蕭蕭起暮愁

觀潮

一綫從空下翻飛十萬尋地非句踐業潮見伍胥心草木
無今古蛟龍變淺深此時隔江女猶善作吳音

經華陰望嶽

華陰南望華峯雄
互矗渾疑天路通
玉女洗頭乘夜露
巨靈舒掌逆秋風
山光直走秦關北
地脈遙連渭水東
一自神祇承漢祚
寂寥封禪夕陽中

邊笛

秋風吹雨過桑乾
羌笛何來怨夜闌
多少健兒顏色改
荷戈齊向月中看

一聲初歛柳梢青
駐馬凝思舊別情
欲向關河望故國
紛紛黃葉落長城

嵩山字伯仁滿洲旗人有餘廉堂集

詩話伯仁自號養易齋居士爲韜明男爵子與弟仲仁皆工詩伯仁身嬰痼疾久處閒佚雲山煙水因寄所託悉寓於詩脩然有清拔之致

初夏午後睡起

初夏雨露重園林濃翠滋
嘯鳥不知名去來無定時
蟬音動高柳藕葉生淺池
晚花弄餘香幽竹稀俗姿
晝長午睡足屋影移階遲
老幸終日閒安意何所爲
悠然飲北窗消受薰風吹

游山途中作

動卽就幽蹟罕辭山路遙
人尋芳草渡煙斷夕陽橋
入谷花相迂隔林僧見招
禪庵知不遠一磬出雲霄

峒山字仲仁滿洲旗人有柏翠山房詩

秋眺

秋景未蕭條霜華夜半凋
草枯山露石溪漲水平橋
白雁排空唳青帘隔岸飄
依然摩詰畫誰擬輞川描

甘運源字道淵漢軍旗人官英德象岡司巡檢有嘯崖

詩存

詩話道淵夙負詩名沈淪一尉幾與常盱眙賈長江相類治亭尚書與相善嘗贈以詩云就官爲救窮升斗計微利一朝墮宦海窮病更日漬所賴詩膽豪牢籠盡萬類狂歌老不休天地容酣醉詩涂轍旣正風骨復適行輩視絜眉山遂堂石閭諸家略後至其所作殆有過之無不及也

夏日讀書

城柝送繁響疏鐙耿殘炷夜涼時雨清流螢坐深樹時聞
嘒嘒蟬乍咽娟娟露簾虛方影垂月色忽已素天機旣高
張澄懷本同趣手把一卷書清吟奏韶韻

巫山縣北行是峽背最高處也

連嶂互峽背重巒悉隩阻廉利削堂皇豐隆積廩庾石齒
鑿精鏐千仞無負土空騎盡喘汗行人病偃僂拔地躡丹